

16 JUN 1999

DR MAHATHIR SAMPAI AMANAT SEBELUM PERHIMPUNAN AGUNG UMNO

KUALA LUMPUR, 16 Jun (Bernama) -- Perdana Menteri Datuk Seri Dr Mahathir Mohamad hari ini menyampaikan amanatnya pada majlis taklimat tertutup Presiden Umno menjelang Perhimpunan Agung ke-53 parti yang bermula esok di Pusat Dagangan Dunia Putra.

Taklimat itu disampaikan kepada anggota Majlis Tertinggi, Exco Pemuda dan Wanita, ketua-ketua bahagian, naib-naib ketua bahagian, ketua Pemuda dan Wanita bahagian, setiausaha bahagian, bendahari bahagian dan ketua penerangan bahagian.

Majlis taklimat oleh Dr Mahathir selaku Presiden Umno itu merupakan acara biasa sebelum bermulanya perhimpunan agung parti.

Sejumlah 2,034 perwakilan dari seluruh negara dijangka menghadiri perhimpunan tahun ini yang akan berlangsung di Dewan Merdeka PWTC selama empat hari termasuk persidangan sehari Pergerakan Pemuda dan Wanita Umno esok.

Jumlah itu termasuk seorang Pengerusi Tetap, Timbalan Pengerusi Tetap, 40 orang anggota Majlis Tertinggi, 20 perwakilan Pemuda dan Wanita serta 1,972 perwakilan bahagian.

-- BERNAMA

NZ RON